

信都縣志

卷壹

明志
贈閱

BM340.207

42

3127

信都縣志勘誤表

卷別	頁別	行別	第	字	誤	正
一	六	四	廿六字下		漏[書]字	書
		八	廿六		捐	損
		九	廿六字下		漏[族]字	族
	九	十	三		多[族]字	無[族]字
		七	五,廿二,		折,徧,	析,徧,
		十二	十六		命	命
		十三	十六		折	析
		十五	二		萎	萎
		二十	十八		於	相
	十	二	九,十二,十五,廿五,		兆,菜,北,北,	非,萊,者,者,
		四	廿六		北	者
		八	五		北	者
		十二	二十		竿	竿
		十四	六,十二,		聯,北,	聊,者,
		十六	十五,二十,		北,北,	者,者,
		五	十一字下		漏[徒]字	徒
		一	十三		岡	岡
		十七	卅七		鄆	鄆
		二	廿八字下		漏[塘]字	塘
		四	一字下		漏[人]字	人
二	五	一	十		詞	祠
	七	十九	廿五		借	塔
	二十	十八	六		壺	壺
	五	六	十九		丞	丞
	五	五	一		威	威
三	十	二	十四字下		漏[屬於賀]	屬於賀
	六	五	四		志	治
	七	六	三字下		漏[州]	州
	十一	四	六		虞	虞
	廿四	九	三		端	顯
	卅三	七	十一		隨	隋
	卅五	六	廿四字下		漏[六字]	六
	四二	九	十八		丘	丕
	四三	十六	一		特	特
五	四	一	一		特	特
	五	十六	(撰文者名)		漏[陳繼襄]	陳繼襄
	七	十三	廿六字下		漏[座]	座
	七	二	廿六字下		漏[神]	神
	八	二	(撰文者名)		漏[陳聖典]	陳聖典
六	廿八	十九	十四		上	下
	廿九	十六	十六		邑	民
	四二	五	二,三,兩字		十	十二
	四三	十二	十九		善	善
	四三	七	廿五		參	吳
七	一	三	廿一		壺	壺
	四三	十三	二十		漳	潭

信都縣志全部綱目

第一編地理 賀信舊疆域圖 縣府圖說 總圖 分圖

疆域沿革考 分野 封建 疆域 地勢概況

山川 關隘形勢及邊防狀況 氣候

第二編社會 民族 附姓氏 方言 風俗 戶口 附總表 經濟

生活狀況 疆里 廂里 職業團體 慈善事業

第三編政治 歷代職官 財政 教育行政 實業行政

選舉 建置 警政 水利 倉儲 郵政 祀典

第四編經濟 金融機關 貨幣 經濟政策 產業

官業事業 荒地 經濟生活狀況 交通

第五編前事 災異

第六編文化 學校教育 科學 文學 藝術 著述

金石

第七編宦績 謫宦 流寓 列傳 殉難

第八編列女傳 耆壽

第九編古蹟 名勝

第十編雜記

信都志卷一

第一編 地理

賀信舊疆域圖

縣府圖說

總圖

分圖

疆域沿革考

分野

封建

疆域

信都縣志 卷一

地勢概況

山

川

關隘形勢及邊防狀況

氣候




信都縣志卷一

序七

原序

原序

原序



信都縣志

卷一

三

序

志之名不一有省志郡志縣志志以紀事範圍雖有大小紀事之體例則略同凡輿地建置秩官賦役文化風俗及其他諸大端纂輯必詳必確然後始成實錄質諸後世而無疑信都自明而宋而唐以前均隸於臨賀言文獻者但稽臨賀之志而已清季雖於官潭設撫民同知第爲防匪清盜計置官分治猶未劃立而以縣名泊自民國元年始立爲縣乃得於八桂九十餘縣中占其一脫離臨賀附庸卓然自立迄今亦已二十餘年古有三十年爲一世之說然則閱年成世若縣政若民事之與時演進當非僕指可數苟無志焉世日遠迹愈湮杞宋雖存文獻不足徵采風者能無扼腕太息邑人爲此懼乃集

積學之士從事於采訪編輯積日累月鍥而不舍志遂告成類別部分體例確立信都始裒然有縣志一切掌故朗若列眉可爲參考治理得失之鑑雖然掌故者特陳迹耳迹之嬗遞絕非一成不變察既往以知將來善爲治者酌古準今握樞推進常憬然於猶是土地何以使荒蕪繁榮猶是教育何以使文物光大猶是人民何以使呻吟疾苦之聲不接於耳熙熙如登春臺必思有以彌前人之缺而起日新之功則讀斯志也上下淬勵保邦制治鴻規碩畫賡續發揚其可視爲度閣官書文字簿錄云爾哉

中華民國二十四年三月桂林馬君武序

信都之有志也縣中諸名宿實爲謀始書中編輯地方之疆域沿革及古蹟險要人物藝文物產風俗等文獻攸關洵非無補其記載之翔實自不待言書成邑侯黃公德馨書來屬爲跋尾蓋以啓瑞於民紀五六年間曾署縣篆兩年來與各搢紳先生情感甚篤雖去任七八載相距數百里雙方猶魚雁不絕可謂相感以誠者矣啓瑞不敏嘉邦人君子器識閎遠力量堅毅群策羣力嶄然成一縣之新志書喜而繫之詞曰夫縣志之作非僅記載一縣地方之疆域沿革及古蹟險要人物文藝物產風俗等已也夷考信都在勝清時代置廳屬平樂府入民國改縣屬蒼梧道自是而信都縣之名義定矣廣西通志載平樂府事而旁及信都故其所配亦僅今自成一縣而縣治又幾

經艱難締造徒置最適當之官潭地方建築新署顧官潭形勝山水秀發草木蓊茂正范蔚宗所謂氣佳哉鬱鬱葱葱然也後之人思發揮光大欲有所憑藉以資考鏡者則志書尙矣然則一縣之志書安可不應時出世哉況共和國家人爲主體刷新民治爲舉唯一之准的將見民衆與政府相互間力求三民主義之實現地雖百里事大可爲也詩曰周雖舊邦其命維新吾於信都編輯縣志之告成也亦云

前署信都縣知事歷署桂平永寧藤縣等縣知事清己酉科拔貢留學日本弘文學院師範科畢業

分發廣東任用縣知事藤縣章啟瑞聿新甫跋於奉議縣田州官廨

中華民國十五年一月上澣

余奉令來宰信都下車伊始百端待舉邑之紳耆黃君德馨等首以志書請質以謂分治至今三十年矣志書未成亦邦人之耻前民國十八年經已編輯因大軍過境志稿散失適於去年廣西修省志馬君葆光玉君卓峰任縣內采輯有各稿存參加以虛稽博訪簡次成矣紳等述其已往之事殷然待命誠以爲然蓋縣之有志猶國之有史史載天下之版圖志記地方之事實固吏治之攸資亦爲守土之殷鑒是志之關於國計民生者豈淺鮮哉信都爲封陽舊治畛域分合不一自宋廢縣入賀清末以鄉爲廳民國紀元爲縣其間因革捐益世遠年湮不無缺典第風俗醇樸代有聞人能別賀卓爾爲縣民發揚族肇茲新邑諸君關懷文獻悉心釐訂述舊者不厭求詳增新

者務宜切實擇精守約益以近事體例自能綱舉目張無溢詞無疑義彰往亦可詒來政治之得失風俗之盛衰皆於此志徵之予雖無文贊襄盛舉以完前修未竟之功俾多才後起藉以之折衷而制治保邦資以考鏡爰綴序言樂觀厥成焉

民國二十四年七月貴縣劉玉懷序於信都公廨

信都縣志序

觀一國圖籍歷史之繁簡可以測其人民文化忠愛之厚薄蓋具有豐富精密之圖籍綿延光耀之歷史者則其人民必回顧往昔景仰過去而啓發向上努力之動機是其忠愛之心性必濃厚文化之程度必高遠也然則圖籍歷史之關係於國家也顧不重哉推而至於省與縣亦莫不皆然此信都人士所以自離臨賀分治以來甫二十餘年遽汲汲於創修縣志可謂知所務矣余奉命富川轉調信都蒞任之日適值抗日軍興軍事旁午席不暇暖而他政更復百端待舉紳耆陳遠卿黃藝林等頻以縣志告成急欲付梓商榷於余而余時以抗日緊張政務紛繁未暇顧及方今本省大局底定庶政稍有頭

緒爰展其書而讀之關於地理之沿革風俗之變遷山川之錯列文
化之遞嬗有險要焉足以誇其形勢之雄有名賢焉足以見其人物
之僑田壠縱橫生產豐富習尚純樸民風善良罔不綱舉目張備載
精詳內容充實余不禁浩然嘆曰余今方知信都之爲信都矣而彼
都人士得此書也足以表現其光榮足以團結其精神足以興奮其
志氣足以長進其努力豈特具有付梓之價值實關於其縣之現在
與將來不知如何之重大也且余忝膺任命來篆斯邑負有領導民
衆振興教育以開發文化墾闢荒地以增加生產訓練壯丁以完善
民團改良風俗以剷除陋習修築道路以利交通辦理警衛以維治
安舉此艱鉅余一人爲之不如與衆士紳爲之與衆士紳爲之不如

得闔邑民衆自動向上努力而合作爲之其所以能引起闔邑民衆自動向上努力而合作爲之苦無良方以資誘掖今得此書梓行境內使全體民衆莫不回顧往昔景仰過去自能啓發其向上努力之動機而從余向政治軌道進行不怠是則此書也又豈非余爲政之一大助哉故樂爲之序

中華民國二十五年十一月荔浦溫懷存序

吾信古名邑也自漢武討平呂嘉以其地爲南海蒼梧鬱合浦日南九真交趾七郡之後封陽縣之名已與臨賀並列同隸蒼梧歷前後漢三國兩晉南北朝隋唐訖宋而始併于賀其時文物制度史闕有間不可得而詳矣然據漢志封陽與廣信端谿臨賀相接壤奄有封川之北蒼梧之東北懷集之南西北及開建全境縣圖之廣今省內各縣一莫與京也其後東析爲綏南宋昌永固潯安南析爲宋興開建西南又折爲武化尋分省于蒼封懷建致封陽壤地徧小不足以自立及宋竟降爲鄉而自然地勢又不能改易東西北接境皆山巒重疊醜類常資爲亂階以併賀故鞭長莫及亂象環生如明萬厯崗蠻之亂往往負嶠固拒勞兩粵數萬兵力抗日持久僅乃平之猶必

屯守招撫於深冲松柏各營置耕兵撫民雖苟安一時仍不免匪患時勞兵役吾民或受其荼毒或罷於奔命於茲千餘年矣有司思有以善後則縣之由合而復分者亦勢也折縣未幾卽遭光復國家多故未暇部署邊縣重以地狹民稀自治能力亦有所不逮於是縣屬北萎成爲匪藪與蒼屬馬窩關屬譙山兩匪巢相犄角爲禍益烈幸近年政府勵精圖治力舉清剷復督建關樓嚴卡守訓練民衆培養自衛能力縣境肅睦民賴以安而吾邑志書適于是告成豈運會之來欲以治平迹象光我志乘歟夫以今日邑壤方二千餘公里黎庶僅五萬有奇每方里人口不及三十較諸容蒼潯鬱每方里在百人以上即鄰封懷賀亦五十人以上疏密之度於去倍蓰其故何哉則

山嶺多而平野少沃壤寡而旱荒多加以民國辛未以前三面匪巢山居之民遷徙殆盡兆獨田萊未墾北無從開發即土壤豐稔北亦多荒廢而牛山濯濯水藏空虛旱潦頻仍民生彫敝如此而欲民衆繁殖安居樂業諒哉其難之矣否極泰來由剝而復亦理之常今北賀信懷公路平梧公路次第修築吾邑地當其衝雖僻處偏隅而交通利便與昔已情異勢殊富賀煤錫懷寧竹木生產豐饒近益助以人事愈見發達然皆與吾邑爲鄰山脈土質相同河流灌溉與共而荒山可墾北尤多安知吾邑無蘊藏之富林墾之利且政府予我以自衛政策經收實效進而爲自治自給諸建設改良農村從事生產殖民墾牧倡鑛政興水利振教育不難一一見諸實行昔漢高入關

諸將爭取財寶獨蕭何注意圖籍備知天下阨塞山川形勢戶口多寡佐漢以興賢庸之分於此可見僕以邑人曾濫竽修志之列方事纂輯又奉委他職今喜斯志之成爰將吾邑沿革形勢與夫民情庶政畧弁數言聯供芻獻異日北賴賢司牧暨地方人士官民合作斟酌損益樹漢唐圖治之規模撫歐美文明之物質發揚光大使縣治之隆榮及志乘則輯斯志與叙斯志北所當馨禱北也

民國乙亥邑人羅世澤叙

序

民國十六年羅前縣長春芳再權縣篆以信都分治脫離賀縣以來業十餘年矣而邑志無書亦地方人士之恥也爰謀諸邑父老咸以無款言時百廢具舉他務未遑亦實情也乃潔已捐廉延陳君元基與山及陳君立三時以課任采訪自本年九月開會成立明年七月春芳稟請辭職上峯准焉始出呈批示同署及交卸志稿方過半並所借各書籍封記端南團局未幾兩粵失和東軍入境一時秩序大亂公私物件蕩然無存事平搜尋已去如黃鶴適民國二十一年修省志陳前縣長伯瑚以山舊同學時元基已歸道山邀馬君揚輝同肩縣內采輯報省自春三月至冬十月經將省志令發三期依次造

報尙有季冬一期方擬再編而伯瑚忽已卸任時山亦抱病旋里就醫馬君暫且攔下王縣長國柱到任省府又催季冬一冊時羅君兩齋值主講縣校王縣長屬其兼理呈報今年八月前縣長黃德馨與地方父老以志稿已失非續行趕造不爲功乃商諸王縣長詢謀僉同未幾王縣長卸任羅君兩齋又奉省令任邑寧第一高中國文教席劉縣長下車仍令繼續纂修又命山與馬君同事按門分輯已將脫稿復因病又以柳玉池衡卿二君相助爲理查去年修省志賀縣由梁君俊齋龍君式如任采輯即依省志綱目續修賀志經已出版因請求一套以賀爲吾邑舊隸前事多往述後事始增修正不獨魯衛二國伯仲追隨羅浮二山風雨離合已也伏望邑內諸君子各方

家加以斧削并釐而正之同人受賜良多矣

中華民國二十三年十二月前後編輯玉崑山謹識

序

信都居賀縣之南古號封陽漢置宋廢屬賀州更名信都鄉明初賀州改賀縣信都仍屬焉至清光緒三十二年信都改爲廳民國元年又爲縣其分治之始因夏匪麻生聚徒深冲擾亂賀江實受其害經平樂府知府王人文賀縣知縣志琮督兵平定與鄉前輩議將麥嶺督捕同知移駐官潭便於治理後改撫民同知地方紳士見信都壤地褊小分之則諸多未便合之則罄無不宜聯呈請照原議仍設督捕之官未允所請而分治定矣吾邑處於一隅古今之沿革不一疆域之分合攸殊世事滄桑人物代謝雖輿圖風俗有賀志斑斑可考既與賀分門別戶自成一縣若志書不及時修輯恐傳久而失實湮

沒而難稽此謂文獻不足杞宋無徵而後起者尋墜緒之茫茫猶苦考古之無據不免扼腕遺佚之嘆依采輯省志綱目條例再加詳細采訪綜實錄而增未備編成志帙輝愧不敏折衷舊志采摭新知雖因革損益日新月異搜羅記載參互考訂宜實事以求是無虛飾而偏循俾覽是書者有觀感而興起亦信今而傳後辨魯魚與亥豕加潤色而校正者以俟後之君子

中華民國二十四年四月修志主任葆光馬揚輝謹序

賀縣舊原序

乾隆知縣周心傳

集邑人士爲續修志之議僉曰邑志在前明多舛畧無論矣我朝垂百四十年風土人民泯沒無傳四民所由無觀感興起者職此也公急所當務公之志邑之福也風俗之原莫大於是顧吾賀爲里十八而幅員遼濶周遭巡歷積月不能通遐蒐遠訪分輯編纂在在需人且工料度支亦孔紛頤經費之煩斷非獨力能勝是宜遍爲宣告凡在紳士耆老暨里中秀良罔不周知均宜盡力解輸上襄我公盛舉則觀成不日矣念余復視賀事得行初志以力薄不克獨任仔肩聞言滋媿焉爰述衆論以爲引

賀縣舊原序

廣西布政使張聯桂

全君墨村宰賀之明年政成民和百廢具舉邑無志乘爰與邦人士徵文考獻因乾隆年間龍君皓乾手著志稿補綴叢殘增以近事編輯成帙將付諸梓垂示將來以賀爲余舊治僉郵書索弁一言當時禁令條教紀述留題多所采取並著於篇德淺能薄何克當此憶同治庚午冬間承乏巖疆距今逾廿餘稔矣茲奉天子命旬宣是邦夙夜兢兢求所以澄清吏治與吾民休養生息發函披牘猶恍與吾父老誼風問俗時竊臨賀爲五嶺之一縣治據山環江犬牙交錯四境之民各安生業商賈雲集田廬櫛比居然繁庶之區也而自兵燹後元氣未復冊籍蕩然所賴良有司暨都人士修明而補葺之者亦亟

亟矣夫邑之有志國史之支流也星野方域山川形勝卽史之天文地理志也戶口田賦農桑物產卽史之食貨志也學校壇廟水利津梁卽史之禮樂志河渠志也志祥異志著述志名宦鄉賢卽史之五行藝文世家列傳也摭拾宜詳體裁必正使後之人周覽輿圖鈎稽掌故恍然於廣輪之數物土之宜與夫政治沿革風俗得失之端粲若列眉得以善爲籌謀而徐爲安輯然則方輿紀載其所關於國計民生者豈一手一足之烈哉若夫綱領條目秉筆者各以意創彼此互殊求其美善則上溯元和郡縣志元豐九域志及歷代州邑有名志書此考古之書也官司案牘六曹則例鄉邑譜錄此知今之書也旁搜而博采之擇精守約增損折衷奄有衆長庶幾卓然成一家言